

Tito

Juu' la- ga- si' Paa' kih' Tito

¹ Jnä' Paa' jmeen' ta' kih' Dio, hi' laan' apóstol kyaá' Jesucristo he-ja- jmeen' juu' kih' hi- na-lee' kyaá' Dio, mah' lá-dsoo' dsëy' kiyh' hi' lä-jwë' ja- lä-ngëëy' ha- lä' la' ju'dsoo' he-tøh' jne'. ² He-ja- kye' jne' o-jøh' dsë- he- chaa- jne' tää' lä-jë' joh' jmi' cha-, lä-koö- ga-bääh- Dio hñii' ja-ga' llay' jmi-gyuu'. Hi' sa' ta-juuy'. ³ Lä' ma' ga-lloo' jmi', ga-mi-jnääy- juu' kiyh' he- na-hñaan' kwan' lä-koö- mada' ga-jmee' Dio hi- lää- jne'. ⁴ Siin' kyah' Tito, hne- laah' lä-ko' gyuu- kyaan' ta-la' kih' he- ma-dsoo' hoh' kih' Dio ko-jøh' kyaah' jnä'. Ngün' kih' Dio hi- laa' Tää- jnän' hi' ngün' kih' Jesucristo Dsa-jøøh' jnän', hi- ga-lää' jne', wa' kway' he- llu' kyah', wa' lä-ñih' dsëy' hne-, hi' wa' jmeey' hii' tii' kyah'.

Ha- lä- hnø' kih' hi- kye- në' kih' øøh' jne'

⁵ Ga-llaan' hne- Creta (hwa' he- hä' jee' jmi-ñeeh') mah' mi'hñaa' ta' he- ga- hnø' le'. Hi' lä-kaa- jwi- jee' gooh', ja- hñaa' dsa-gyuu' kyaá' lä-koö- lä-koö- gwah', lä-ko' mada' ga-jmeen' kyah'. ⁶ Hnää' jaa- hi- sa- na-bääh' ni' miidsoo', jaa- dsa-ñuuh- hi- kyaah' jaa- ba' dsa-më', hi' hnø' ma-dsoo' dsë' chih- kyaay', hi' jaa- hi- sa- hii' juu' kih' chih- kyaá' he- jmeey' wa' he- cha- he- hi' ni' sa' chaayh-. ⁷ Jmee' bi' kih' dsa-gyuu' he- sa- na-bääh' go-te- lä-llu' he-

hä' gooy- ta' kih' Dio. Hnää' jaa- hi- sa- jmää-
 hñii' jøøh', jaa- hi- sa- lä-lee' चाह', jaa- hi- sa-
 hih~, jaa- hi- sa- hnee-, jaa- hi- sa- hee' dsë' kuu'.
 8 Hnää' jaa- hi- kwa- jee' jä' dsa- hi- go-nää',
 jaa- hi- hnooh- ma-la- he- llu' ba', jaa- hi- ngë-
 koo- neë', jaa- hi- jmee- he- llu' jmah', jaa- hi-
 na-jngëë', jaa- hi- lih- hää' hñii'. 9 Hnää' jaa- hi-
 chooh- koo- hwēh- ju'dsoo' he- ma-mi-tëë' jne',
 mah' lä-ja- hlëëyh' jñah' dsa- kyaah' ja-ba' juu'
 la-. Hi- lä-ja- ba' liyh- lla-dsëëy' kih' hi- hlëeh-
 wii' kih' ju'dsoo'.

Ta-jwoh' hi- kwa- juu' ta-juu'

10 Peer- chaa- jwëë' hi- chaah-, hlëëyh- juu' he-
 sa- jmää' ta', mi-gaay- dsa-. Hi- jee' kih' lä-jëë-
 hi- he', jwëë' hi- jah', jmee- bii' hñii' jmi-ngo' kih'
 dsa-nñiih-. 11 Jmee- bii' jne' jwë' kiyh' mah' mo-so-
 hlëeh' gyih' juu' he- sa- jmää' ta'. Kyaah' juu'
 kiyh' ga-nääy' lä-joh' hne' chih' heey- dsë' lä-jah'
 hi- tääh' cháneh-, mi-tëëy- dsa- he- sa- lle- kih',
 lä-jwë' jee' liyh' kuu'.

12 He' ba' dsa- hi- ngëë- juu' kih' dsa- gooy' jäyh'
 lä-la-: "Jne' hi- tøøhn' hwa' Creta la-, peer- ta-juu'
 jne'. Ma-ra- jah' hlëeh' laa' jne', jwëh' jne', jlaa'
 jne'", ga-jäyh'. 13 Ma-ra- ju'dsoo' na- lä-ja- laa'
 dsa- he'. He-ja- jwëëhn- hne-, hwēh- jñiih' kiyh'
 mah' dsa-taayh- na-jngëëy' kyaah' ju'dsoo' ba'.
 14 Ta- wa- jmeey' he' juu' ma-gyuh- kih' dsa- judiu,
 ni- sa- wa- jmeey' he' nñiih- he- kwa- dsa- hi-
 ma-be' ju'dsoo'.

15 Lä-jë- ba' he- cha-, llu' ba' la' kih' hi- lluu'.
 Pero kih' hi- na-hee- dsë' kyaah' hi- sa- ma-dsoo'

dsē' kih' Dio, ni' koō' sa' llu' kiyh'. Ma-na-heē' go-te' lley', hi' lä'kye' huu'dsē' kiyh' na-heē'.
 16 Jäyh' kyuy' Dio, pero kyaah' he' jmeey' ja', sa' dsoo' juu' kiyh'. Peer' sa' lä'jēē' jne' lä'koō' jmee' dsa' he', peer' chaayh', mo'so' jmäy' jmeey' ni' koō' ta' llu'.

2

Ha' lä' hnø' jmee' dsa' lä'jih' jäh' Jesús

1 Pero hne', hlēeh' ba' hne' lä'koh' la' ju'dsoo' he' ma-mi-tēē' jne'. 2 Lä'jēē' dsa-gyuh' hnø' ngēy' koō' nēē' ba', hnää' jaa' hi' hä' ta' kih', jaa' hi' hää' hñii', jaa' hi' ma-kyuh' he' ma-dsoo' dsē' jne', jaa' hi' hnää' dsa', jaa' hi' kwēēh' dsē' ma' cha' he' wii'. 3 Ja-ba' lä'ja' lä'jēē' dsa' ma-hyaa', hnø' cha' nuh' kiyh'. Sa' wa' kooyh' juu' jwii', sa' wa' hiyh' jmih' mi'jēh' ma-ää', hi' hnø' mi-tēēy' dsa' he' llu' jmah' ba'. 4 Hnø' mi-tēēy' dsa-mē' kwaä' ha' lä' jmeey' mah' lä'hnäy' dsa-nuh' kyaay' hi' lä'ja' lä'hnäy' gyuh' kyaay'. 5 Hnø' häy' hñiiy', hnø' ngēy' koō' nēē' ba', hnø' høy' cha'neh' kiyh', hnø' llu' dsēy', hnø' hwaay' kyaah' dsa-nuh' kyaay', mah' ni' jaa' sa' wa' mi-kwah' juu' kih' Dio.

6 Ja-ba' lä'ja' hnø' hlēeh' dsa-nuh' kwaä' mah' häy' hñiiy'. 7 Hne' to-nē', jmee' he' llu' jmah' ba' mah' lä'tēē' dsa' jmee' lä'koō' jmeeh'. Ja' jmeeh' hne' ka-läh' ja-ba' lä'koō' mi'tēēh' dsa', ta' wa' ta'juuh' kih' dsa'. 8 Hlēeh' dsa' juu' na-jngii' he' sa' toh' wii' mah' lä'jēē' hi' na-høh'

jä⁺ o⁻hih⁺ kih⁺, lä⁺ja⁻ mo⁺so⁺ cha⁻ he⁻ kih⁺ hlëëyh⁺
wii⁺ kyah⁺ hnäh⁺.

⁹ Chiih⁺ hi⁻ jmee⁺ ta⁺ kih⁺ dsa⁻, wa⁺ jmeey⁺ lä⁻ tih⁻
dsë⁺ juuy⁺ ba⁺, sa⁻ wa⁺ jiiyh⁺ juu⁺ kyaayh⁺. ¹⁰ Chiyyh⁺
sa⁻ llu⁺ hëëy⁺ dsa⁻ juu⁺ ta⁺. Wa⁺ mi⁻jnäay⁻ he⁻ laay⁺
jaa⁻ hi⁻ mi⁻te⁺ kih⁺ lä⁻jë⁻ ba⁺. Lä⁻ja⁻ jëë⁺ dsa⁻,
jnaah⁺ llu⁺ juu⁺ kih⁺ Dio hi⁻ lää[~] jne⁺.

¹¹ Jëeh⁺, na⁺ ma⁻lä⁻jnä⁺ kih⁺ lä⁻jëë⁺ dsa⁻ ha⁻
lä⁻koö⁻ llu⁺ dsë⁺ Dio kyaayh⁺ mah⁺ lä⁻ja⁻ lääy⁺.
¹² Ju⁺hmëë⁺ he⁻ mi⁻tëë⁺ jne⁺, sa⁻ kwa⁺ jwë⁺
jmeen⁺ he⁻ hliih⁺, ni⁺ he⁻ jmeen⁺ he⁻ heë⁺ dsë⁺
jmi⁻ngo⁺ jnän⁻. Lä⁻ja⁻ mi⁻tëë⁺ jne⁺ ngën⁺ koö⁻ nëë⁺
ba⁺, jmeen⁺ he⁻ llu⁺ jmah⁺, hi⁺ he⁻ hnääh⁺ Dio
ta⁺ko⁻jiih⁺ tøøh⁺ jne⁺ jmi⁻gyuu⁺ la⁻. ¹³ Hi⁺ ga⁺nøø⁺
ba⁺ jne⁺ jøø⁺ lä⁻jiih⁺ lä⁻jnää⁺ Jesucristo hi⁻ laa⁺ Dio
Jøøh⁺ jnän⁻ hi⁻ lää[~] jne⁺. Peer⁻ jnaah⁺ le⁺ jmi⁺ ja⁻,
he⁻ ja⁻ jmee⁻ chaa⁻ jne⁺ llu⁺ ta⁺ko⁻jiih⁺ tøøhn⁺ jøø⁺
he⁻ lä⁻te⁺ juu⁺ ja⁻. ¹⁴ Hi⁻ he⁺ na⁻ ga⁺ngëë⁺ hñii⁺
ta⁺la⁺ jnää⁺ jne⁺ mah⁺ lääy⁺ jne⁺ kih⁺ lä⁻jë⁻ he⁻ hliih⁺
hi⁻ lä⁻ja⁻ jmääy⁺ jne⁺ na⁻jngëë⁺ go⁻te⁻, mah⁺ leë⁺
jne⁺ koö⁻ nää⁺ dsa⁻ kyaay⁺ hi⁻ heë⁺ dsë⁺ jmee⁺ he⁻
llu⁺ jmah⁺ ba⁺.

¹⁵ Mi⁻tëë⁺ dsa⁻ juu⁺ la⁻, hlëëh⁺ dsa⁻, juuh⁺
kiyh⁺ lä⁻koö⁻ mada⁻ nuuh⁻, mah⁺ ni⁺ jaa⁻ sa⁻ wa⁺
mi⁻kwah⁺ hne⁻.

3

¹ Mi⁻dsooh⁻ dsëy⁺, wa⁺ jmeey⁺ he⁺ hi⁺ wa⁺ nuuyh⁺
mada⁻ he⁻ jmee⁻ lä⁻jëë⁺ dsa⁻ ta⁺, hi⁺ wa⁺ lla⁻ dsëy⁺
jmeey⁺ he⁻ llu⁺ jmah⁺ ba⁺. ² Sa⁻ wa⁺ hlëëyh⁺ wii⁺ kih⁺
dsa⁻, sa⁻ wa⁺ llay⁻ hñii⁻. Wa⁺ llu⁺ dsëy⁺ kyaah⁺ dsa⁻,
wa⁺ jmääy⁺ hñiiy⁺ hwaa⁺ kyaah⁺ lä⁻jëë⁺ ba⁺.

3 Jëeh', lä'kye' jne' ma' taa' jne' jää', ma' chaah' jne', sa' nuuh' jne', ma' na' hëë' jne' kih' Dio, ma' laa' jne' kyaa' lä'jè' he' ma' heë' dsë' jne', ma' tih' dsë' jne' na' ku' na' ngii' he' hlih', ma' hña' dsë' jne', ma' wi' dsë' jne', ma' na' høøh' dsa' jnän' hi' ma' na' hääh' jne' dsa'. 4 Lä'koõ' ma' tøøh' jne' lä'ja', Dio jnän', hi' lää' jne', ga'mi' jnäy' ha' lä' llü' dsëy' kyaah' jne', hi' ha' lä'koõ' hnäy' jne'. 5 He' ja' ga'läy' jne' pero ja' ta' la' kih' he' ma' jmee' jne' he' llü'. Ga'läy' jne' kih' he' ga'lä' nih' dsëy' jne' ba', hi' ga' jmeey' ga'lä' chaä' jne'. He' ja' la' lä'koh' he' ga'gyeeyh' jne'. Ga'lä' jne' hmëë' ta' la' kih' Jmi' lle' Na' jngii'. 6 Ja' kyaah' hih' ga'cheë' Dio Jmi' lle' kiyh' në' jnän' ta' la' kih' Jesucristo hi' lää' jne'. 7 Kih' he' llü' dsëy' ga'jmäy' jne' llüu', lä'ja' hñah' jne' heen' he' tøøh' jne' jøøn' jee' mo' so' juu' jne' jih'koh'.

8 Juu' he' ma' jwahn' la', la' ju'dsoo'. Hnoon' jmeeh' bii' kwah' juu' la'. Hlëëh' hi' ma' lä' dsoo' dsë' kih' Dio mah' wa' ngëy' hñiiy' jmeey' he' llü' jmah' ba'. He' la' ba' llü' hi' jmää' kih' lä'jèë'. 9 Ta' kwaä' hñaah' kyaah' juu' he' sa' jmää' ta' hi' ni' kyaah' juu' ha' lä' ma' laa' ma' hyaa' ta' gyuuh' jnän'. Ta' taah' hñaah' jee' tääh' dsa' hi' ti'choo' juu' hi' hi' te'jèë' kwaat' kih' ley kih' Moisé. Jëeh' juu' ja' sa' jmää' ni' miih', ni' sa' kye' ya'jøø'.

10 Cher'mah' jee' kyah' hnäh', chaä' jaa' hi' hnøø' jmee' to' nää', hlëëyh' koõ' hä' to' hä'. Hi' cher'mah' sa' ga' jmeey' he' juu' kyah', lleey' go' te' ba'. 11 Ma' ñeh' ba' hne', hi' jmee' lä'ja', he' ma' kayh' jwë' ba' ja'. Ja' ba' dso'kye' he' jmeey'

jā, bääyh̄ dsoo'.

Gāh̄ih' Paa' juu' kih' Tito

¹² Wa'ra- ga-tě̄ jee' cheen- Artema o Tíquico ta- kyah', ja- gojěeh̄ jnä' chah' ta- jwii- Nicópoli. Jee' ja- jmeen- huudsē- dsa-ngēen' jii- gyuu'. ¹³ Wa'ra- ga'lloo' Zena hi- cheh' ně', kyaah' Apolo ta- na', ja- jmeeh- be' kiyh' lä-jiih' jee' le'. Ja- kwěeyh' lä-jē- he- jmee- bii' cha'jwē' jee' dsa-näy'. ¹⁴ Wa' lä-tēē- lä-jēē- øøh' jne' jmeey' ta' llu' jmah' ba' mah' lä'cha- he- kyaah' jmeey' be' lä- ma' chaa- hi- lla-kyaa'. Mah' sa- dsa-taayh' lä-koō- hi- sa- ma-jmee' ta'.

¹⁵ Lä-jēē- hi- tääh' kyaah' jnä' jee' la- jmeey- Dio kyah'. Hi- jmee' Dio kih' lä-jēē- hi- hnää' jne', lä'llu' he- ma-dsoo' dsēy' ko-jøh' kyaah' jne'. Wa' mi-jää' Dio lä-jēē- hnäh'. Wa' la' lä-ja-.

**Hmooh hmëe he- ga-jmee Jesucristo; Salmos
New Testament and Psalms in Chinantec, Ozumacín
(MX:chz:Chinantec, Ozumacín)**

copyright © 2003 Wycliffe Bible Translators, Inc.

Language: Chinantec, Ozumacín

Translation by: Wycliffe Bible Translators, Inc.

Chinanteco, Ozumacín [chz], Mexico

Copyright Information

© 2003, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament and Psalms

in Chinantec, Ozumacín

© 2003, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

77bbb809-d78b-5d8c-9c0b-2363ea7f466b